

UGOVOR O NABAVCI RADOVA
(zamjena dimnjaka kotlovnica amb. Pazarić broj KZ- 09/17)

Zaključen između:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 4200174570004, kojeg zastupa generalni direktor mr.sci.med.prim.dr. Fuad Husić (u daljem tekstu: **Naručilac**)

i

2. **REAW d.o.o.** sa sjedištem u Sarajevu, ulica Mala aleja 14 , ID 4200903590002 kojeg zastupa direktor Enver Dedović, (u daljem tekstu: **Izvođač**).

I PREDMET UGOVORA

Član 1.

Predmet ovog Ugovora je **zamjena dimnjaka na kotlovnici u ambulanti Pazarić Organizacione jedinice Dom zdravlja Hadžići Javne ustanove Dom zdravlja Kantona Sarajevo.**

II OBAVEZE NARUČIOCA

Član 2.

Pored obaveza koje su predviđene važećim propisima, a u skladu sa odredbama ovog Ugovora, **Naručilac** je obavezan da:

- Izvođača uvede u posao,
- Obezbjedi Izvođaču radova nesmetan pristup terenu na kojem se izvode radovi, njegovoj mehanizaciji,
- Obezbjedi Izvođaču korištenje priključaka za električnu energiju i vodu,
- Izvrši plaćanje na način utvrđen ovim ugovorom,
- Vršiti stalni nadzor i prati realizaciju ugovorenog posla,
- Od izvođača komisijski primi izvedene radove.

III OBAVEZE IZVOĐAČA

Član 3.

Pored obaveza koje su predviđene važećim propisima i ovim Ugovorom, **Izvođač** radova je obavezan:

- početi sa izvođenjem radova danom uvođenja u posao,
- izvesti ugovorene radove stručno i kvalitetno prema projektnoj dokumentaciji i ponudi iz člana 1. ovog Ugovora, a u skladu sa važećim tehničkim normativima i standardima,
- ugraditi kvalitetan materijal i opremu po tehničkom opisu i standardima,
- izvršiti svaki eventualni nalog Nadzornog organa u pogledu obustave rada, koji bi mogli ugroziti sigurnost ljudi i objekta,
- koristiti materijal koji mora odgovarati standardima, odnosno kvalitetu utvrđenom atestom ili propisima, a ostali materijal ne smije biti ispod dozvoljenog kvaliteta,
- za vrijeme izvođenja radova, obzirom na lokaciju, Izvođač je obavezan poštivati sigurnosne i bezbjednosne mjere,
- vodi računa o urednosti prostora na kome se izvode radovi u pogledu smještaja opreme, materijala i drugih radnih i pomoćnih sredstava koje bude koristio u izvođenju radova,

- po okončanju radova ukloni sav otpad i vrati teren koji je koristio za izvođenje radova u prvobitno stanje,
- otkloni, odnosno nadoknadi svu eventualno pričinjenu štetu Naručiocu ili trećim licima,
- da sa ovlaštenim predstavnicima Naručioca izvrši zapisnički prijem o izvršenom poslu,
- poduzme i druge aktivnosti neophodne za uspješno izvršenje ugovorenog posla.

IV VRIJEDNOST UGOVORA

Član 4.

Cijena radova iz člana 1. ovog Ugovora, prema Predmjeru i predračunu radova za izradu šahta za vodomjer, dostavljenog od Naručioca, sa uključenim PDV-om iznosi :

5.323,50 KM

(Slovima: pethiljadatristotinedvadesettri KM 50/100 pf)

Obračun radova vršit će se na osnovu stvarno izvedenih količina i jediničnih cijena iz predmjera i predračuna radova iskazanih u ponudi Izvođača. Jedinične cijene su fiksne i ne mogu se mijenjati ni pod kojim uslovima.

V NAČIN PLAĆANJA

Član 5.

Naručilac se obavezuje da će Izvođaču ugovorene radove platiti u roku do 60 dana po dostavljanju fakture.

VI NADZOR

Član 6.

Nadzor nad izvođenjem radova vršit će Služba tehničkih poslova Javne ustanove Dom zdravlja Kantona Sarajevo.

Izvođač je dužan da postupa po uputama Nadzornog organa.

Izvođač ne smije odstupiti od Ponude koja je sastavni dio Ugovora zajedno sa Izvještajem o provedenoj E-aukciji.

VII ROK IZVOĐENJA RADOVA

Član 7.

Rok za izvođenje radova iz člana 1. ovog ugovora je maksimalno do 30 kalendarskih dana, a počinje teći od dana uvođenja Izvođača u posao.

VIII VIŠKOVI, NEPREDVIĐENI I NAKNADNI RADOVI

Član 8.

Naknadni radovi, bez obzira na vrijednost, ne mogu se izvoditi bez predhodno provedene procedure odobravanja (saglasnost ugovornog organa) i provođenja postupka nabavke u skladu sa odredbama Zakona o javnim nabavkama.

Ukoliko Izvođač izvede dodatne (naknadne) radove bez predhodno provedene procedure odobravanja Naručioca, isti terete Izvođača.

IX PRIMOPREDAJA

Član 9.

Kada svi radovi iz predmetnog Ugovora budu izvedeni, Izvođač je dužan o tome pismenim putem obavijestiti Naručioca i zatražiti primopredaju izvedenih radova.

Član 10.

Primopredaju izvedenih radova izvršit će predstavnici Naručioca, Nadzora.

Član 11.

Nakon završetka radova Izvođač je dužan sa gradilišta ukloniti preostali materijal, opremu i sredstva za rad i dr. , te očisti gradilište.

Član 12.

Nakon izvršene primopredaje, Naručilac je u obavezi da izvrši isplatu shodno članu 5. ovog Ugovora.

X OTKLANJANJE NEDOSTATAKA

Član 13.

Izvođač se obavezuje da će otklanjanje nedostataka izvršiti u roku od 8 dana od dana dobivanja pismene obavijesti od strane Naručioca.

XI ZAVRŠNE ODREDBE

Član 14.

Ugovor stupa na snagu danom potpisivanja od strane ovlaštenih zastupnika ugovornih strana.

Član 15.

Ugovorne strane su saglasne da će eventualne sporove iz ovog Ugovora riješavati sporazumno, a uslučaju spora, nadležan je Sud u Sarajevu.

Član 16.

Ugovor je sačinjen u četiri istovjetna primjerka od kojih naručilac zadržava tri (SEFP; STP; Komisija za jav. nab.) a Izvođač, jedan primjerak.

Član 17.

Sastavni dio ovog ugovora je ponuda ponuđača (Izvođača) i Izvještaj o E-aukciji.

NARUČILAC

Javna ustanova Dom zdravlja
Kantona Sarajevo

20 Generalni direktor

F. Husić

Mr. sci. med. prim. dr Fuad Husić
spec. porodične/obiteljske medicine
Sarajevo, 05..07.2017. godine
Broj:01-03-4203-7/17

IZVOĐAČ

REAW d.o.o. Sarajevo

Direktor

Enver Dedović
Enver Dedović

dana 10.07.2017.
Broj: 09-17/005